



TOSHKENT DAVLAT YURIDIK UNIVERSITETI REKTORINING B U Y R U G ' I

05.12.2024

884-tm-son

Talabalar safidan chetlashtirish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet faoliyati haqida noto'g'ri munosabat, fikr-mulohaza shakllanishiga, universitet obro'siga, universitetda yaratilayotgan ochiq-oshkoralik siyosatiga zarar yetkazadigan qasddan harakatlar qilinib, universitet Odob-axloq kodeksida belgilangan qoidalarni buzish holatlari kuzatilmoqda.

Jumladan, 2024-yil 18-noyabr kuni universitet 1-binosida Jinoiy odil sudlov fakulteti 4-kurs talabasi Saydaliyev Saydalixon Murodjon o'g'li o'zining kursdoshi O'ktamova Nozanin Xurshid-qizining oldiga borib unda gapi borligini aytgan. Talaba O'ktamova Nozanin Xurshid-qizi u bilan gaplashishni xohlamasligini bildirgan.

Shundan so'ng, talaba Saydaliyev Saydalixon Murodjon o'g'li talaba O'ktamova Nozanin Xurshid-qizining bosh qismiga ikki marotaba qo'li bilan urib, uning erkiga xilof ravishda qo'lidan ushlab universitet 1-binosining orqa tomoniga gaplashib olish uchun majburan olib borgan.

Talaba Saydaliyev Saydalixon Murodjon o'g'li o'zining yuqoridagi xatti-harakatlari bilan Oliy ta'lim to'g'risidagi nizomning (ro'yxat raqami 1222, 2003-yil 22-fevral) 43-bandi hamda Toshkent davlat yuridik universiteti Odob-axloq kodeksining 15-modda 2-xatboshisi (o'z harakatlari bilan Universitet imijini saqlash va oshirish, Universitet, uning xodimlari, talabalari va doktorantlari nomi va manfaatlariga asossiz ravishda ziyon yetkazadigan harakatlarni amalga oshirmaslik, shuningdek, ular bilan muloqot qilganda o'zlarining namunali xulq-atvori bilan Universitet haqida yuksak ijobiy taasurot uyg'otish), 17-modda

2-xatboshisi (har qanday huquqbuzarlik yoki jinoyat sodir etish), 17-modda 4-xatboshisi (tinchlik yoki osoyishtalikka qarshi tajovuz qilish, janjallashish), 18-modda 1-xatboshisi (talabalarning o'zaro munosabatlari milliy qadriyat va

an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi lozim), 18-modda 2-xatboshisi (talabalarining o'zaro munosabatlarida inson qadr-qimmatiga hurmatsizlik, shaxsiyatni kamsitish, qo'pollik, behayo so'zlar ishlatish, mushtlashish qat'iyan man etiladi), 26-modda 4-xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilish), 26-modda 16-xatboshisi (xotin-qizlarning sha'ni va qadr-qimmatini kamsitadigan harakatlar sodir etmaslik)da belgilangan qoidalarini qo'pol ravishda buzgan.

Yuqoridagilarni inobatga olib, O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 36-bandini "g" kichik bandi, O'zbekiston Respublikasi Vazirlar Mahkamasining 2021-yil 10-iyundagi 359-son qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi Nizomning 43-bandini to'rtinchi xatboshisi, Oliy ta'lim to'g'risidagi nizomning (ro'yxat raqami 1222, 2003-yil 22-fevral) 51-bandini, universitet Ichki tartib qoidalarining 83-bandiga asosan, shuningdek, universitet Odob-axloq komissiyasining 2024-yil 21-noyabrdagi 41-son yig'ilish bayoniga muvofiq,

BUYURAMAN:

1. Toshkent davlat yuridik universiteti Odob-axloq komissiyasining 2024-yil 21-noyabrdagi 41-son yig'ilish bayoni ma'lumot va ijro uchun qabul qilinsin.
2. Universitetning Odob-axloq kodeksi 15-modda 2-xatboshisi 17-modda 2 va 4-xatboshisi, 18-modda 1-2-xatboshisi, 26-modda 4 va 16-xatboshisi talablarini buzganligi uchun Jinoiy odil sudlov fakulteti 4-kurs talabasi Saydaliyev Saydalixon Murodjon o'g'li talabalar safidan chetlashtirilsin.
3. Fakultet dekanlari (Sh.Saydullayev, D.Umarxanova, D.Mamasobirov, B.Musayev, A.Babadjanov) mazkur buyruq mazmun-mohiyatini talabaning shaxsini sir saqlagan holda talabalar e'tiboriga yetkazilishi va har bir akademik guruhda keng muhokama qilinishini ta'minlasin.
5. Jinoiy odil sudlov fakulteti (D.Mamasobirov) mazkur talabaning shaxsiy hujjatlar yig'majildiga buyruq nusxasi tikilishini ta'minlasin.
6. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Kiritildi:

Dekan o‘rinbosari

D.MAMASOBIROV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Direktor

SH.PO‘LOTOV



Katta yuriskonsult

A.TURSUNOV

